

琉球國志略卷七

翰林院侍講臣 周煌恭輯

祠廟 寺院附

周官宗伯禋祈宜報之典最繁所以昭誠敬廣仁孝也

國家歲事有常百神効靈山海寧謐琉球仰遵

聖教頗知淫祀無福諸不在祀典者罔敢僭黷是以舉行蜡臘崇飾宮牆而寢廟城叢亦皆式禮莫愆允合生三事一之義若乃像教之設雖儒者所不道

琉球國志略

祠廟 卷七

吳舒帷校

要其大旨足以警醒貪嗔揆之神道設教遺意初無大忤且點綴名山邃谷上以備祝釐淨地下亦供登覽勝遊未為不善也因復略表其尤著者焉

志祠廟

社壇 在首里未吉村 祭國中山川處

雨壇 有一一在豐見城十月下種時迎龍神像設壇祈雨處為國相采地一在玉城村又日雲

城國王每歲祈雨處

零壇 在首里崎山東苑內 旱甚國王詣壇躬禱

雷神廟 在那霸護國寺前祀雷聲普化天尊故俗呼天尊廟汪錄云永樂中貢使自京師塑

像歸崇禎末王尚質新之其上樑文有祈通渡唐
之船冀遂懋遷之願舊錄作三清殿今無此稱徐
錄云供玉皇誤左右懸絹旛二實書雷神號也張
錄云殿前二松大數圍高二十餘丈今無殿前百
步有方池畝許池下新栽松近百餘株中楹張學
禮題蒼生司命匾殿廊懸大鐘一鐫字曰五大世
主庚寅慶生茲現法王身量大慈願海新鑄鉅鐘
寄捨天尊殿以上祝萬歲之寶位下濟三界之衆
生辱命相國缺爲銘銘曰華鐘鑄就挂着珠林撞
破昏夢正禱天心君臣道合蠻夷不侵彰鳧氏德
起追蠡吟萬古皇澤流妙法音景泰七年丙子九
月二十三日住持樞律師良舜證之大工國吉奉
行智賢并與
那福中西

臣按景泰七年爲王尚泰久時中山世鑑云泰久
以永樂十三年乙未生距庚寅差五年尚圓亦以

琉球國志略

祠廟
卷七

一一
吳舒帷校

是年生泰久於景泰五年甲戌嗣位四十歲至天
順四年庚辰薨壽四十六則非庚寅生矣而世鑑
又云諸山寺大鐘皆王所鑄故銘文或書丙子或
書丁丑皆署景泰年號若尚圓則以成化六年庚
寅卽位至十二年丙申薨壽六十二更無涉矣世
鑑圖則謂尚德王始鑄大鐘考尚德以正統六年
辛酉生亦與庚寅不合也豈世鑑所云泰久以乙
未生或考之未審耶

文廟

在久米 泉崎橋北南向紅牆朱扉左右立
下馬碑內櫺星門三進門廣庭甬道上設拜

聖祖御

臺大殿三間奉先師孔子神位聖像兩旁二龕設四配位像各手一經中樑摹豎

聖諭十

唱各有記見藝文五十六年紫金大夫程順則復啓建明倫堂又於堂中近北壁分三小間祀啓聖并四配位兩廡蓄經書畧備國王命順則敬刊則立碑記之又有廟學紀畧前使徐葆光為書啓聖祠明倫堂儒學三大勝立碑一俱見藝文臣煌至館循例展謁拜瞻之下進諸秀才悉加獎勉諄宣我

皇上

右文德意令通事官傳示衆皆忻忻拱聽似有會心者其規制未備則如啓聖公主尚仍公號殿上未增祀十二哲亦未建兩廡祀配食諸賢臣因舉內地諸郡邑條規移咨國王知之其春秋祀典詳見典禮

天妃宮

有三一在邪霸天使館東曰下天妃宮門南向明夏子陽王士禎立靈應普濟神祠

琉球國志略

卷七 祠廟 道光十年修

三

宋炳垣校

額前廣數十畝有方沼池門左右石神二甬道寬廣殿宇宏敞堂內有崇禎六年冊使杜三策楊倫慈航普度匾順治六年招撫司謝必振普濟萬靈匾康熙二年冊使張學禮王垓普濟羣生匾張錄別有中外慈母匾五十八年冊使徐葆光書聯云那霸唐營並峙兩官分上下夏來冬往安流二至台華彝有鐘一銘文與天尊廟同唯相國缺名處作辱命相國安瀾為其銘未作景秦丁丑年一在久米村曰上天妃宮夏錄云嘉靖中冊使郭汝霖所建門南向亦為石神二甬道左右寬數畝周圍繚垣正中為天妃神堂右一楹祀關帝左為久米幼童誦讀地門額舊夏子陽王士禎書靈應普濟神祠年久匾失康熙中徐葆光取宋宣和及元天歷兩賜額合書之曰順濟靈慈之宮堂內有杜三策楊倫德配元宵匾康熙中張學禮王垓生而神靈匾徐錄作生天福靈汪輯朝宗永賴匾林麟湄聯一累朝疊誥表神功嶽降自緜江翎運疑寐頻現紅燈宜聖化重譯獻琛逢盛世皇華臨馬齒樞

衣展拜永清碧海耀吾宗麟唱莆田人天妃族故
末稱裔姪孫徐葆光聯一統全海之洪波俯順人
情應念東西南北綜歷朝之寶冊仰覩聖德一心
忠孝慈仁臣等姑米遇颶仰藉

呈上

威靈神光護佑全船二百餘人無一虧損易舟到
港謁廟行香臣惶謹安願大能成區一神為德其
盛乎呼吸迴天登彼岸臣何力之有也忠誠若水
謚平生聯一敬抒微忱稍答神貺有鐘一鐫文與
下天妃宮同一在姑米山係新建茲役觸礁神燈
示見且姑米為全琉門戶封貢海道往來標準臣
煌謹同臣魁公啟國王代建新宮崇報靈蹟中山
王尚穆現在遴員卜地鳩工臣惶使旋有日恭製
匾聯各一匾曰玉山仙姥聯曰鳳舸燦神光一片
婆心扶泰運龍津標聖蹟萬年福曜鎮安嘉祥地
更為立碑
以紀其事

臣謹按天后氏族里居存沒之蹟錯出前紀街談

琉球國志略

祠廟 卷七

四 吳舒帷校

巷說傳聞異辭據徐葆光錄天妃靈應記云天妃

姓林氏莆田湄洲人

張記云蔡氏猴嶼人非是

宋都巡檢愿一作

第六女以建隆元年庚申三月二十三日生彌

月不啼名曰默生而神靈少與羣女照井有神捧

銅符出以授如羣女奔駭自是屢顯靈異常乘片

蓆往來海上或驅簷前鐵馬渡江人咸稱為通賢

靈女或稱神姑一日方織忽據機瞑坐顏色變異

母蹴問之寤而泣曰父無恙兄歿矣頃之信至父

與兄渡海舟覆父若有挾之者得不死只以柁櫂

救不獲雍熙四年九月初九日昇化室處二十八
歲張記云救父投海身亡誤時顯靈應或示夢或示神燈海舟
獲庇無數土人相率祀之

天后封號

宋徽宗宣和五年給事中路允迪使高麗八舟溺
其七獨允迪見神宋衣坐桅上遂安歸聞於朝賜
廟額順濟高宗紹興二十六年始封靈惠夫人賜
廟額靈應三十年海寇至江口神見風濤中寇潰
就獲泉州上其事加封昭應孝宗乾道二年興化

琉球國志略

祠廟 卷七

五 吳舒惟校

疫神降於白湖去湖丈許得甘泉飲者立愈又海

寇至霧迷其道至廟前就擒加封崇福淳熙十一

年助巡檢姜特立捕溫台寇加封善利汪錄作靈慈昭應崇

福善利夫人靈慈乃廟號凡加封皆原靈惠始封之號當作靈惠以上夫人凡四封光宗紹

熙三年以救疫旱功特封靈惠妃寧宗慶元四年

以救潦功加封助順嘉定元年平大癸寇以霧助

擒賊金兵至淮甸戰花靨鎮及紫金山神見像再

捷三戰遂解合肥圍加封顯衛十年救旱獲海寇

加封英烈嘉熙三年錢塘潮決至艮山祠若有限

而退加封嘉應寶祐二年救旱加封協正三年加封慈濟四年以浙江隄成加封善慶五年教授王里請於朝封妃父積慶侯母顯慶夫人女兒以及神佐皆有錫命景定三年反風膠海寇舟就擒加封顯濟

以上封妃凡十宋共十四封

元世祖至元十八年以海運得神佑封護國明著天妃又進顯佑成宗大德三年以漕運効靈加封輔聖庇民仁宗延祐元年加封廣濟文宗天厯二年加封靈威助順福惠徽烈

共二十

廟額靈慈

元晉封天

琉球國志略

祠廟卷七

六 吳舒帷校

加封妃凡五

明太祖洪武五年封昭孝純正孚濟感應聖妃成祖永樂七年封護國庇民妙靈昭應弘仁普濟天妃自後遣官致祭歲以為常莊烈帝封天仙聖母青靈普化碧霞元君又加青賢普化慈應碧霞元君

明封聖妃一改封天妃一改封元君二凡四封

本朝康熙十九年收復臺灣神靈顯應提督萬正色以聞加封護國庇民妙靈昭應弘仁普濟天妃

仍永樂七年號遣

官諭祭

臣謹按天妃廟祀自元至元中於直沽平江周涇
泉福興化等處皆有廟皇慶以來歲遣使賫香遍
祭明嘉靖中冊使陳侃使還乞賜祭以答神貺禮
部議令布政司設祭一壇報可萬曆三年冊使蕭
崇業始請秩祀海神合舉祈報二祭至今封舟出
海因之康熙二十二年冊使汪楫等還疏請照嶽
瀆諸神著地方官行春秋二祭部議未准五十八
年冊使海寶等具疏再請得

琉球國志略

祠廟
卷七

七

吳啟維校

旨

着地方官春秋致祭編入祀典

臣

等茲役自閩海往還

祈神獲佑竊疑封號尚襲前明卽諭祭文內但云
海神不言天妃敬瀝微忱乞加封號並請明頒諭
祭俱蒙

聖慈俞允崇報益隆名實悉稱典禮周詳超軼千古矣

乾隆二十二年四月二十一日請加封號諭祭疏

翰林院侍講

臣

全魁

臣

周煌謹

奏爲

天威遠播神應彌昭敢瀝微忱仰祈

等鑒事 臣 等蒙

皇上天恩簡使海外

陛辭之日

訓誨周詳賚

命以來惟冀克竣典禮無貽隕越顧往返輒有滯留風
波不無驚阻今得趨赴

行在瞻仰

天顏皆由我

皇上再造之鴻恩故能使天妃效靈更生有慶所有 微

琉球國志略

洞廟
卷七

八
吳舒帷校

臣 等感激之私有不得不陳請於

聖主之前者伏查天妃於康熙十九年收復臺灣神靈

顯應福建提督臣萬正色奏請加封經禮部議准

封爲護國庇民妙靈昭應弘仁普濟天妃則是仍

明永樂間封號也又查前明冊封琉球有祈報海

神文二道康熙二十一年前使臣汪楫等奏請諭

祭海神其略云海神天妃靈感最著是以海神爲

天妃矣 臣 等茲役遵例於怡山院致祭按其地有

天妃宮僅一拈香而

論祭之典則又設位於江岸實望祭也伏讀祭文內所
引事實似指天妃然但云致祭於海神未明著天
妃之號臣等竊疑海自有神嶽瀆載於祀典似不
得卽以天妃爲海神明矣伏念臣等始渡海時以
六月初十日出五虎門十三日已見琉球之姑米
山十四日近山下旋守風之次適當暴期波浪兼
天舟身震撼嘔逆顛仆者無數臣等屢禱於神神
出爰示謂寧泊此毋捨去也於是肅將

簡命虔告天妃神若默佑生靈當爲神乞加封號並請

琉球國志略

祠廟
卷七

九
吳舒帷校

於冊封之年明頒諭祭奈臣等忠信未孚延至二
十四日夜颶颶大作旋索十餘一時皆斷舟走觸
礁龍骨中折底穿入水時旣昏黑兼值雷雨距岸
約六七百步許自分此時百不一生呼籲之頃忽
神火見於桅頂又海面燈光浮來若烟霧籠罩伏
舉舟之人皆所共見乃齊呼曰天妃救至矣須臾
舟稍向岸賴一礁石透入舟腹得不沉溺復不漂
流以故解放本舟小船次第救免臣等於萬疊驚
濤之中賫奉

節詔賜物登岸實皆荷我

皇上洪福恩同覆載履險終平而天妃阿護之靈尤其彰明較著者是用殫竭愚忱仰懇

皇上天恩敕部議加封號更請於冊封之年別

頒諭祭文二道與海神並舉抑或於諭祭海神文內明著天妃之號庶崇報益隆名實允稱爲此繕摺恭奏伏候

聖裁臣等無任激切屏營之至謹

奏卽日奉

琉球國志略

祠廟
卷七

十
吳舒帷校

旨該部議奏欽此

禮部謹

題爲遵

旨議奏事乾隆二十二年四月二十四日內閣抄出翰林院侍講全魁周煌奏稱天妃於康熙十九年收復臺灣神靈顯應福建提督臣萬正色奏請加封經禮部議准封爲護國庇民妙靈昭應弘仁普濟天妃則是仍明永樂間封號也又查前明冊封琉球有祈報海神文二道康熙二十一年前使臣汪

楫等奏請諭祭海神其略云海神天妃靈感最著是以海神爲天妃矣臣等茲役遵例於怡山院致祭按其地有天妃宮僅一拈香而

諭祭之典則又設位於江岸實望祭也伏讀祭文內所引事實似指天妃然但云致祭於海神未明著天妃之號臣等竊疑海自有神嶽瀆載於祀典似不得卽以天妃爲海神明矣伏念臣等始渡海時以六月初十日出五虎門十三日已見琉球之姑米山十四日近山下椗守風之次適當暴期波浪兼

琉球國志略

祠廟
卷七

十一
吳舒帷校

天舟身震撼嘔逆顛仆者無數臣等屢禱於神神出筮示謂寧泊此毋捨去也於是肅將

簡命虔告天妃神若默佑生靈當爲神乞加封號並請於冊封之年明頒諭祭奈臣等忠信未孚延至二十四日夜颶颶大作椗索十餘一時皆斷舟走觸礁龍骨中折底穿入水時旣昏黑兼值雷雨距岸約六七百步許自分此時百不一生呼籲之頃忽神火見於椗頂又海面燈光浮來若烟霧籠罩狀舉舟之人皆所共見乃胥呼曰天妃救至矣須臾

舟稍向岸賴一礁石透入舟腹得不沉溺復不漂流以故解放本舟小船次第救免臣等於萬疊驚濤之中賚奉

節詔賜物登岸實皆荷我

皇上洪福恩同覆載履險終平而天妃呵護之靈尤其彰明較著者是用殫竭愚忱仰懇

皇上天恩敕部議加封號更請於冊封之年別

頒諭祭文二道與海神並舉抑或於諭祭海神文內明著天妃之號庶崇報益隆名實允稱等因具奏到

琉球國志略

祠廟
卷七

十一
吳舒帷校

部該臣等謹按會典四海龍神各有封號東海稱顯仁龍王之神西海稱正恒龍王之神南海稱昭明龍王之神北海稱崇禮龍王之神有司以歲時秩祀會典內開載天后亦稱海神康熙十九年

敕封海神天妃爲護國庇民妙靈昭應弘仁普濟天妃二十年福建提臣萬正色以天后著靈奏聞於朝

詔封昭靈顯應仁慈天后五十九年翰林院檢討海寶等奏稱奉

旨冊封琉球於怡山院祭天妃往返海道略無危險經臣

部議准該地方官春秋致祭編入祀典乾隆二年
福建總督郝玉麟疏稱臺灣守備陳元美等在洋
遇風虔禱天后俱獲安全褒封宜加亦經臣部議
准加封其字樣交內閣撰擬進呈

欽定福佑羣生四字欽遵各在案是向來冊封琉球使
臣所祭實係天后而非南海昭明龍王之神已確
有可據今該侍講全魁等奏稱萬疊驚濤之中賚
奉

節詔賜物登岸實皆荷我

琉球國志略

祠廟
卷七

三
吳舒帷校

皇上洪福恩同覆載履險終平而天妃呵護之靈尤其
彰明較著者仰懇

天恩敕部議加封號更請於冊封之年別
頒諭祭文二道與海神並舉抑或於祭文內明著天妃
之號等語應如所奏恭請

加封其封號字樣應照例交內閣撰擬進

呈恭候

欽定嗣後

諭祭天后祈報文二道書明天后封號卽於怡山院天

后宮舉行祭事於禮乃爲允協並請別

頒諭祭南海龍神祈報文二道於江岸望祭庶禮儀咸

備而祀典逾隆矣恭候

命下之日行文該處欽遵辦理臣等未敢擅便謹

題請

旨乾隆二十二年五月十四日奉

旨依議欽此

內閣謹

奏爲請

琉球國志略

祠廟
卷七

西
吳舒帷校

旨事據禮部來文內稱本部議覆翰林院侍講全魁周

煌題請

加封護國庇民妙靈昭應弘仁普濟福佑羣生天后以

酬神貺其加封字樣交內閣撰擬等因移咨前來

臣等謹擬加封字樣進

呈

御覽伏候

欽定乾隆二十二年六月十八日奉

旨用誠感咸孚欽此

天后靈蹟

臣謹按天后救濟靈蹟不勝枚舉茲但就歷使封

舟顯應條錄於左

洪熙元年冊使中官柴山遇險獲濟事詳顯聖錄以後無攷今

斷自陳侃始

嘉靖十三年冊使陳侃高澄舟至姑米山發漏呼

禱得塞而濟歸值颶風桅檣俱折忽有紅光燭舟

乃請筴起柁又有蝶雀示象冠服禱請立碑風乃

弛還請春秋祀典詳甲午使錄

嘉靖四十年冊使郭汝霖李際春同聞日颶將發

琉球國志略

祠廟卷七

五 吳舒帷校

有二雀集舟之異及颶發失柁汝霖等爲文以告

風乃息更置柁一異鳥集桅不去詳癸亥使錄

萬曆七年冊使蕭崇業謝杰針路舛錯且柁葉失

去虔禱之次俄有一燕一蜻蜓飛繞船左右遂得

易柁詳己卯使錄

萬曆三十年冊使夏子陽王士禎舟過花瓶嶼無

風而浪禱於神得風順濟歸舟柁索四斷失柁者

三大桅亦折水面忽見神燈異雀來集東風助順

詳丙午使錄

崇禎元年冊使杜三策楊掄歸舟颶作折舵牙數
次勒索皆斷舟中有奇楠木高三尺三策等捐千
金購刻神像俄有奇鳥集檣端舟行若飛一夜抵
閩詳癸酉使錄

本朝康熙二年冊使張學禮王垓歸舶過姑米颶作
桅左右欹龍骨半折忽有火光熒熒霹靂起風雨
中截斷仆桅舵旋不止勒索皆斷禱神起舵三禱
三應易繩下旋有一鳥若雁綠嘴紅足集戰臺上
舟人喜曰天妃遣來引導也遂達定海詳記錄

琉球國志略

祠廟
卷七

六
吳舒帷校

康熙二十二年冊使汪楫林麟焜歸舟颶三晝夜
舟上下傾仄水滿艙中虔禱天妃許請春秋祀典
桅箍斷而桅不散頂繩斷而篷不落與波上下竟
保無虞詳使錄

康熙五十八年冊使海寶徐葆光多用卯針幾至
落滌虔禱得改用乙辰針又筭許二十八日見山
果見葉壁復禱得西北風一夜抵港歸舟至鳳尾
山旋風轉船篷舵俱側呼神復正至七星山颶作
旋走幾觸礁呼神獲免詳傳信錄

臣等茲役舟泊姑米候風忽颶颶作連三晝夜六月二十四日夜半椗繩盡斷龍骨觸礁而折底穿人水呼籲之頃衆見神火起於桅頂焚招風旗而落又海面燈光浮來若烟霧籠罩狀船遂牢擱礁上得不沉溺以次獲濟登岸歸舟至石盤阻霧不進禱得見山旣起椗霧復合風雨雷電交作落帆葉不下舟欹甚再禱再霽賴以安行臣又聞護封二號船去時亦於六月二十四日夜在洋被浪擊損右艤杉板漂失神前燈已滅踰時復燃舟以漸

琉球國志略

祠廟
卷七

十七
吳舒帷校

駛得抵温州云

關帝廟

在上天妃宮神堂之右冊使汪楫匾曰莫不尊親徐葆光聯云赤心常掛扶桑日正

氣時通大海風程順則有記見藝文

龍神廟

在上天妃宮大門內左廂北向徐葆光聯云受朝宗而宅海敷雨露以行天國王禱

雨以舟載像至豐見城設壇祈之

水母廟

張學禮圖錄近奧山今未詳其處

先王廟

在真和志安里村廟前松剛數重左右溪澗環注安里橋下入海復有海水來朝廟貌渾樸疊石爲墻左右立木坊及下馬碑石路修廣老樹森列正中作圈門三左右角門二前堂三楹匾肅容二字祭畢設宴之所更進甬道東西廳各三楹皆畔鐵樹兩叢正廟七楹正中向外通爲

一龕安奉諸王神位舜天居正中左昭舜馬順熙
英祖英慈西威武寧尚巴志尚思達尚泰久尚圓
尚宜威尚清尚永尚豐尚貞尚益共十五位右穆
義本大成玉成察度思紹尚忠尚金福尚德尚真
尚元尚寧尚賢尚質尚純尚敬共十五位諸皆稱
神主惟寧豐賢質四主稱尊靈又加稱寧曰康翁
豐曰宗盛賢曰秀英質曰直高左壁向右木主一
書歷代有功王叔神位右壁向左木主一書先代
王妃神位楹上而使臣張學禮王垓題河山帶礪
匾汪楫林麟焜題永觀厥成匾海寶徐葆光題世
簞忠貞匾臣等亦書源遠流長四字懸其次堂西
神厨二楹東為佛堂前後六楹旁三楹為僧厨即
崇元寺

琉球國志略

祠廟 卷七

六 吳舒帷校

圓覺寺內亦有先王神位中一龕五主正中祀尚
圓稱龍慶雲君蓋其私謚也為不祧之祖中左第
一主祀尚貞為高祖中右第一主祀尚純為曾祖
中左第二主祀尚益為祖中右第二主祀尚敬為
禰左一龕正中尚稷左第一主尚清右第一主尚
永左第二主尚豐右第二主尚質右一龕正中尚
真左第一主尚元右第一主尚寧左第二
主尚賢皆祧主也與傳信錄所記大異
臣按先王廟乃歷代統祀非一姓也圓覺寺自尚

圓始為本宗

天王寺內亦有神主佛堂左一龕神主二一為尚
稷乃始祖尚圓之父也一為尚久乃尚豐王之父
尚元第三子也二人皆王父未為王故別奉
於此旁二主為王妃右一間四主皆王妃
天界寺內有尚懿神主乃尚寧王之父寺中皆女
主供王妃及王姊妹出嫁者雖有家祠亦得祔
嶽祠

國中皆以石為神凡神嶽叢祠之所礪垣四周灌

木密鬱巨石離立數處置香爐於前澆酒設牲果
渡海祈福酬愿報賽惟就石膜拜獻供不立神像
也在處有之今略記其有名可指者

城嶽 在真和志古波藏村古松森立可數百株東
中山八景之一 徐葆光旺泉從石溜出甚甘潔為

居巨榜標金闕玉乳瀉巖溜冷冷自幽絕又城嶽
詩一邱古廟只荒榛叢灌無人敢作薪

渡海人歸還賽社祠旁澆酒石為神

辨嶽 在崎山西南墻四周叢木尤密小門內拒南
向門外木亭二所左傍有小石塔及石燈案

左右各五入門石磴北屈而東數十級至頂有石
香爐為祭山神處木亭前平地地方廣南向見海東

南方有石爐炷香為祭海神處嶽神名祝祝天孫
氏第二女也國王登位受封皆齋戒親祭每年正

琉球國志略

祠廟 卷七

五 吳舒帷校

五九月祭山海及護國
神皆於此或遣官行禮

八頭嶽 在高嶺
東北

佳楚嶽 在今歸仁村一名字勝
嶽最高為中山第一峰

名護嶽 在名護村
山出異蘭

恩納嶽 在恩納村以上
國人稱為五嶽

姑場嶽 在中
城村

蘇姑那嶽 在佐
敷

砂嶽 在小祿大嶺村海中一里許巨石甚奇楞然
如屋石根穿漏垂若鍾乳下可容百餘人

徐葆光砂嶽詩漱海無頑石山根鐵板沙映波橫
嶽面回洙吐鯨牙腳底舒雲葉潮頭結浪花醉來

平處坐一
一似尊窪

寺院附

圓覺寺

在王宮北久慶門外為天德山國王本宗
有樓翼然左右金剛神額為靈濟法嗣徑山所書
寺門外方池數畝名圓鑑池清泉澄碧荇藻交橫
水通人龍潭芰荷遍滿林木攢圍有觀蓮橋製甚
整緻中砌一臺建亭其上供辨才天女即斗姥也
名龍淵橋入寺佛殿七間極鉅麗更進大殿亦七
間名龍淵殿中為佛堂左右奉木宗先王主左序
為方丈右序為客座皆鋪席滿室纖塵不染前楹
板閣雕欄護之方丈左為香積廚廚側有井泉名
石冷泉方丈前為蓬萊庭客座右廣庭中有小山
名古松嶺相傳有神木數百年物今無別有數小
松及諸花樹奇石錯立蟠屈飛舞兩廂左僧寮右

琉球國志略

祠廟
卷七

吳舒帷校

獅子窟僧寮南有鐘樓樓南有雜花園奇花繁艷
簇錦鋪霞國人沿稱圓覺八景寺係明弘治時王
尚真所建池前土阜上有三山許天錫碑記見藝
文林麟煇圓覺寺贈喝三和尚詩蘭若因王造
焚香印土時虛廊雙不借靜案一軍持笑契三三
語來尋默默師徑山宗派在休唱嗣阿誰 徐葆
光圓覺八景示僧了道詩圓覺寺在中山巔山圍
橋轉稱龍淵鑑圓池中水空碧天女亭外環青蓮
蓬萊庭中古松嶺香積廚下清冷泉園裏雜華四
時好朱幡朝夕飄香烟中山世祀三百載八景自
昔名僧傳我來欲訪喝三徑白頭弟子移興禪蒙
茸逼仄入蕭寺本師塔號猶高懸咫尺珠林是遺
蹟重題舊
景空潸然

天王寺

在圓覺寺東北門前臨溪有古松四株寺
東有天王橋堂上額亦名龍淵殿巍麗與
圓覺彷彿板閣光滑如鑑古色斑駁蓋檜木年久
刮磨漸積黑質白章如貝如錦絕可人意冲奉金

剛手七星輪及刃左右龕祀先王之父及諸妃一
鐘為景泰七年丙子鑄上刻天龍寺鐘寺在浦橋
有二鐘移
其一於此

天界寺 去守禮坊不數武門北向寺西南石室高
丈許方廣封而不樹中山王塋也尚圓以
來皆葬於此殿宇兩進亞於圓覺山門石神二佛
殿正中設

當今皇帝萬歲龍牌及旁供火神皆如圓覺內殿祀先
王之父及王妃王女左僧室右客座庭中松樹鐵
蕉皆盤鬱有奇態枕椰數株椰樹一株極高大左
階架鐘一尚德王時鑄考銘文本相國寺鐘銘曰
琉球國君世高王乘大願力新鑄巨鐘寄捨相國
寺說偈以銘是祝王基之萬歲安國利民聖天子
繼唐虞之化全文偃武賢宰相需霖雨之秋茲有
巨鐘新鑄就高樓掛肅萬機心無端扣起羣生夢
天上人間妙法音肯成化已丑十月七日住持溪
隱寺有僧名湛元能詩 以上稱首里三大寺

琉球國志略

祠廟 卷七

三

吳舒帷校

安國寺

世子府對國中案 牘多備此寺中

仙江院

天王寺有汪錄云行荒榛中門戶蕭
然僧宗實能詩學元僧自雲集體

蓮華院

原為萬松院天界之支寺也在天王寺之
南不羈徒元仁別開院于北山名護嶽仍

名萬松院 徐葆光詩不羈遺躅杳難尋石徑盤
紆古院深手種小松今偃蓋層層能作老龍吟

興禪寺

在圓覺寺北庭中花藥甚多磴道曲折為
圓覺退隱之所客座寬廣松檜蟠地作虬

龍形僧律嚴整經案靜清 林麟焜詩曾扣招提
白板扉霜寒松老葉初飛祇今弟子成行聊猶想

參禪上翠微 徐葆光詩一聲清磬定同時有客
相從問本師老衲不曾通世語壁間爭指舍人詩

廣德寺

在蓮華院南花木幽麗僧宇亦高廣院後
杜鵬山茶梅皆數十株以類分立不相闕

雜尤為諸寺
花藥之冠

建善寺 或稱建慈在廣德寺南諸寺客座皆居右
巖此獨居中正對廣庭院後高巖陡峭環
衛如屏巖左石隙迸泉纒為雙流注壑
及兩小池種蓮養魚諸寺中所僅有者

慈眼院 在首里立岸村
上有觀音堂

天慶院 在赤平村
石虎山

萬壽寺 在未吉村龜山下寺中有
察度王舊影堂萬曆中燬

手水觀 在名護
許田村

萬松院 在名護嶽為上天授山蓮華院僧元仁字
東峰誅茅新建仍用蓮華院舊名 徐葆

光天授山萬松院歌為東峰上人賦我聞中山萬
松境舊有名僧號不羈同伴苦吟三老衲瘦梅宗
實供工詩元僧實存有遺集流傳海外皆宗之仙
島同遊自倡和滄溟萬象搜無遺至今忽逾三十

琉球國志略

祠廟 卷七

三 吳舒帷校

載我來已晚徒增慨萬松舊院改蓮華老僧滅度
今無在臺下悲濤惟古松聳肩松下人難再脚躡
遍訪覓遺篇色相俱空舍利碎白頭法嗣有東峰
開院北山仍萬松自言身住最靈境天花雲石相
葱蘢山名天授不可到但求詩句標幽蹤數言楚
楚字畫勁一斑直已窺宗風我役萬里窮水陸山
海之觀未盈胸蓬瀛咫尺漏芒鞋聞語心神已飛
逐白雲舊集貯瓠蘆移錫開山志重續煩師更作
畫圖看萬壑
松風捲空瀑

大日寺 在金城村尚質王時建供
大日龍智如來僧名暉雲

神宮寺

松壽院 俱在宜野灣
普天間村

臨海寺 在那霸北砲臺隄上舊名定海汪楫隸書
臨海寺額為國王祈報所門東向佛堂面

南三楹面東板閣一石垣四周潮至墻下為中山八景之一有鐘明天順三年鑄胡靖臨海寺聽潮詩二首蕭蕭蘭若海門懸物古音奇漫紀年時與濤聲相節奏一天秋水月孤圓海邊寥廓白雲高嶼色蒼茫映碧消忽送金聲風上下如龍吼月

護國寺

護國寺亦名三光院有神手劍而立名曰不動

王前置銅蓋十迴環瀉水着蓋中喃喃作語是為佛事庭中鳳尾蕉數十本與奇石錯植參差高下殊有意致殿下有鐘大小各一景泰七年丙子鑄與天妃宮文同亦國王祈報處僧名石雲有徒石琳覺保皆能詩石琳現為善興監寺今移主萬壽寺胡靖輔國寺觀海四首幾年觀海志此日始登臨浪湧千重雪潮來一片露胸中吞地濶眼底插天深頓覺乾坤裏波濤自古今數頃看無際徘徊

琉球國志略

祠廟

吳舒帷校

徊望莫從微茫但一水蕩漾是千峰遂爾頰襟滌道然豪興濃臨崖思大道萬派總歸宗寺古依松竹巉巖石筍懸洪濤衝岸畔乳燕巢峰巔下上天成兩東西水並圓平臨增悵望每歎說桑田蕩跡似何極探奇絕險中霾鯨翻雪浪海馬御天風與雲飛逸情同鶴唳空置身聊不邇已比扶桑東

波上寺

在護國寺後石筍崖上即護國之佛堂也國中寺多於近寺中另建板閣如神德之八幡宮善興之天滿堂皆此類礪墻四周板閣二所離立不相屬閣外隙地數畝下瞰石壁拔起國人常以八月十八夜候潮於此寺前茵草芊茸如行綠氈碧毯中注錄云閣中皆扇回云中祀阿彌陀佛左藥師右觀音強啓視之皆無惟香一握及銅片幡一掛而已鑿奉寄御幣四字餘皆番書背鑿元和二年正戊六字不解何義

按汪楫或疑元和為李唐年號以唐時琉球未

通中國不知乃係倭人僭號也臣曾見日本馬場

信武所撰八卦通變指南內列三元指掌一條云

上元起永祿七年甲子元和九年癸亥止中元起

寬永元年甲子天和三年癸亥止下元起貞亨元

年甲子今元祿十六年癸未據此則壬戌適為元

和八年恐二年字汪錄偶誤記耳

臣又按徐葆光錄謂其國平日皆行寬永錢註云

日本寬永元年當前明天啓二年壬戌亦非寬永

元年屬甲子宜當天啓四年

琉球國志略

祠廟

吳舒帷校

廣巖寺在天尊廟南小巷中名萬年山徐葆光詩茸草烟濃栢翠浮行樽小占一庭秋高

人避客穿林去石上殘柅子未收

海藏寺在廣巖寺後門前一石佛趺坐佛宇卑隘簷前懸鐵鐸一風至自響

法音軒在海藏院前小屋數椽園池甚廣庭前有草樹極似芍藥云生海崖上

龍翔寺在天尊廟東頗宏曠亦多花竹

善興寺在天使館後依山崇基花木清幽係重建為護國寺下院舊有池今塞疊石培鳳蕉

其上佛堂供不動王并三首六臂天孫神有井泉甚甘美庭中福木森列榴薇交映磬聲乍響鳴鳥

不驚時往遊焉頓息塵勞墻外周垣可五六畝中建一板閣祀天滿大自在天神肩錮不開祈報者

門外膜拜放瓣香不焚撒米數撮而去汪楫詩曲巷叢陰合尋常屢滿門架簾分樹影盤水護雲

根基局當庭設茶鋪近客喧
蘭閣僧不解相對總忘言

龍渡寺 在砲臺西水中與山上舊為蛇窟僧心海
始闢之蛇相率渡水去因築堤截潮引泉

灌花構屋五六楹階前方治小亭二所遍植佛桑
鳳蕉蕉類可玩憩寺旁躡級而上繞出山後松陰交

蔭漫湖流光草坪方廣如堂被蘭佩莢之勝境也
徐葆光述與山次韻四首有寺藏山腹輕撓隔

漱通一筇穿窈窕雙屐闌玲瓏山遠浮空碧花繁
滿徑紅登臨同客賞勝咏播華風開山結禪宇載

港疊泉聲梵典真言授奇花番字名巖風吹袖舉
人影落波明碧海為空界塵心何處生松林無雜

樹一碧並孤岑當午露猶滴先秋暑不侵石禪經
落子詩席間分陰庇外輕濤响琴聲向夕沉小舟

膠斷渚儵爾到山灣潮上鷺頻起月來人欲還捫
星銀漢底流吹白雲問使職無餘事清遊盡日攀

普門寺 在久米村今廢

琉球國志略

祠廟

七

吳舒帷校

西福寺 廢

東壽寺 徐錄云在泉崎橋之東今考其地在
東禪寺後僧貧寺舊別結草菴以居

東禪寺 重建在久米東北圓覺寺下院也規造宏
廓大異前時徐葆光詩絕島寡塵事晤

言必緇衣空門混疎疎禪話時依依寂寞東禪寺
經聲出翠微榕門掩清晝苔徑行踪稀榻來當秋

霽白夕敲岩扉茶烟正輕颺馴鴿鸞環飛僧徒兩
三輩瑤席披清機梵語少通俗默焉離是非松陰

霜月落脫屣坐忘歸

清泰寺 在東禪寺北今廢為蔡氏家祠

聖現寺 在泊村天久山石墻四圍方
十數畝中屋一區老松盤鬱

神德寺 在真和志安里村八幡橋西北寺門東向
供不動神上有八幡宮南向尚德王所建

供八幡
大士

崇元寺

即先王廟左
間監司香火

神應寺

在真和志
識名山下

松山軒

在東禪寺後
僧名覺林

和光寺

在久
米村

琉球國志略

祠廟
卷七

三

吳舒帷校